



partii naleraq

Nuuk, 16. marts 2015

UPA 2015/12

2016-imi akileraarutitigut ilanngaattissat il.il. imatut angissusilerneqarnissaannik Inatsisartut aalajangiinissaannik siunnersuut:

1. Inummut ilanngaat.....kr. 48.000 (ukiumut)
2. Ilangaat aalajangersimasoq.....kr. 10.000 (ukiumut)
3. Aningaas. B-t akileraaruteqaataasussaannng.....kr. 5.000 (ukiumut)
4. Killilim. Akileraartussaataasut ilanngaataat.....kr. 1.000 (ukiumut)
5. Kommunitut ataatsimut akileraarut.....6 %

(Aningaasaqarnermut Aatsitassanullu Naalakkersuisoq)

Siullermeerneqarnera

2016-imi akileraarutitigut ilanngaattissat il.il. imatut angissusilerneqarnissaannik Inatsisartut aalajangiinissaannik siunnersuut Partii Naleqqamiit imannak oqaaseqarfigissuarput.

Soorlu qineqqusaarnitsinni Partii Naleqqamiit aamma akileraartarnikkut allanngortitsinissamik suliniuteqarniarluta oqariartuuteqarsimasugut.

Taamaattumik Partii Naleqqamiit matumuuna pissusitoqqanik nutarterinissaq anguniarlugu makkuninnga siunnersuuteqarpugut:

1. Pituffimmi Amerika-rmiut sulisut kalaallit nunatsinnut akileraartalernissaat piunasaqaatigineqartariaqartoq,
2. Namminersortunut aalisariutilinnullu atortunik/aalisariutinik il.il. nalikilliliisarnerup aaqqissuuteqqinneqarnissaa,

3. Inummut ilanngaat kr. 48.000 atuutiinnassasoq, kisianni sulinerlut tamakkiinerusumik peqataatitsinerulernissaq anguniarlugu, inuit akileraarutinik utertoornissaanaq siunertarlugu sulilaartartut immikkut aqqissuussifigineqarnissaat.

Siunnersuut 1-imut tunngatillugu Pituffimmi pisimasut pisullu assigiinngitsut taamaattussaannartut ukiorpassuarni isigineqarsimasut, maanna Namminersornerup atuutilereernerani, pissusitoqqanik allannguisariaqarneq Partii Naleqqamiit pimoorullugu aamma suliap naammaginartumik aaqqiissuteqarfigineqarnissaata tungaanut kimigiisiutigineqartuarnissaa pisariaqarsoraarput.

Siunnersuut 2-mut tunngatillugu soorunami namminersorluni suliffiuteqarnerup aamma aalisarnermik inuussutissarsiateqarnerup nukittorsarneqarnerunissaanik siunertaqarpoq. Taamaaliornikkut suliffiit amerlanerusut attatiinnarneqarsinnaaneratt aamma qulakkeerreqassammat.

Siunnersuut 3-mut tunngatillugu inuit ataasiakkaat tamakkiinerusumik ataavannerusumillu suliffeqarnissamut kajuminnerulernissaannut toqqammaviliisinnaasoq isumaqarpugut.

Taamaammat aamma akileraarutitigut ilanngaatissat il.il. pillugit siunnersuut ukiup siulianut naleqqiullugu allannguuteqartussaannngitsoq saqqummiunneqarmat Partii Naleqqamiit assut pikkunaatsoorpugut

Tassami naalakkersuisooqatigiit isumaqatigiisumminni ilaatigut imannak isumaqatigiisuteqarmata:

“Akileraartarnikkut naapertuilluartumik naligiissarineq nalimmassaanerlu suliarineqassaaq.”

Taamaammat aamma sulinerlut ilanngaatip, suliffeqarfinnut akileraarutip unammillersinnaasunngorlugu aaqqiivigineqarnissaa il.il., tamakku qaqugu atuutilersinneqarnissaanut piviusunngortinneqarsinnaaneratt tunngasut paaserusunnarput.

Taama Partii Naleraq sinnerlugu oqaaseqarlunga siunnersuutip aappassanneerreqannginnerani Aningaasanut Akileraartarnermullu ataatsimiititalimi suliarineqarnissaa inassutigaaara.

Anthon Frederiksen